



27.10.2021

UKA2021/50

Illup sananeqarneranut akiusup minnerpaaffissaata inatsisitigut aalajangersarneqartup appartinneratigut pisortat inissiaataanni attartortittakkani ineqarnermut akiliutip appartinneqarnissaanut periarfissat misissoqqullugit Naalakkersuisut peqquneqarnissaannik Inatsisartut aalajangiiffisassaattut siunnersuut. Misissuinikkut ineqarnermut akiliutip, illup sananeqarneranut akiusup, piginnittut aningaasaliissutinit iluanaarutissaasa aammalu ineqarnermut tapiissutit allanngornerisa imminnut ataqatigiinnerat paasinarsisinnegassapput kiisalu aserfallatsaaliinissamut pilersaarutit attatiinnerneqarnissaat isiginiarneqassalluni. Kiisalu illup illuutit aserfallassimasut sananeqarneranni naliusup ingerlaavartumik nalikillilernerneqartarnerani pitsaaqutit ajoqutillu misissuinikkut qulaajarneqassapput. Misissuinerup inerneru Inatsisartunut kingusinnerpaamik juli 2022-imi agguanneqassapput (Inatsisartunut ilaasortaq Erik Jensen, Siumut)

Qujanaq inatsisartuni ilaasortaq taamaattumik siunnersuuteqaravit, qujanarlu naalakkersuisoq siunnersuummut tapersiinnut.

Ukiut makkua atukkagut imaannaangitsumik takorloorsimangisatsinnik nalaataqarfiupput. Corona nalaani angerlarsimanerulersimavugut, taamatullu malitsigivaa angerlarsimaffitsinni pissutsit aamma maluginerulersimallugit.

Nunani allani pissutsit nutsinni atuukkalarpata tamatta periarfissaqalissagaluarpuqut piffissaqalerlutalu nammineq angerlarsimaffitsinni iluarsissagut iluarsissallugit.

Kisianni nunatsinni taamaangilaq, sulit nunatsinni akilertakkatsinnik pisortat ingerlataat aqutigalugit pisortat iluarsaassinerit isumagissagaat akilertarparput.

Inuunermi akilersukkat, akilersorsimasallu naleqqutinningsumik inissiani inisigisani aserfallakkaluttuinnartumi iluarsaassinerit maqaasineqarput.

Kalaallit Nunatsinni assigiinngikkaluttuinnartumik ineqarnermik atugassaqartitaaneq malunnarsigaluttuinnartoq annertusiartorniinnassanngippat Siumumi isumaqarpuqut piffissanngortoq ulluinnarni akiliutigisartakkat malunnaatilimmik annikillineqarnissaat.

Tamatta maani inersuarmiittugut nassuerutigisariaqalerparput inigisanut akiliutigisartakkat aserfallassimanerilu inuuffigalugit ilisariuminaammata.

Taamaattorlu naalakkersuisut akissumminni pilersaaruserneq pilersaaruserinnaassuserlu akissuteqaammi eqqaammagit.

Siumumi maluginiarparput pilersaarutit aserfallatsaaliinernut kinguaattooqqanerujussuup pilersaaruteqarfigilernissaat siunnerfigimassuk tamanna soorngunami isumaqatigilluinnarparput.

Taamaakkaluartoq Siumumi maluginiarparput sanaartornermi atortut nunarsuatsinni akitsoraluttuinnarneri nunatsinni aserfallatsaaliinissap suliarineqarnissaata sunnerneqarnissaat qularinngilarput. Aamma qularinngilarput sunniutissai pitsaasuussaangitsut.



Taamaattumik Siumumi suli ernumassuteqarpugut. Qujarulluguli uani siunnersuummi angerlarsimaffimmini attartortut akiliutiminnik appaaffigineqarsinnaanerit periarfissanngorsinnaammat.

Taamatut oqaaseqarluta siunnersuut ataatsimiisitaliamut susassaqartumut ingerlateqqinnissaa innersuussutigalugu siunnersuuteqartumut qujavugut

Hans Peter Poulsen

Siumut